

ურთიერთთანამშრომლობის მემორანდუმი

ქ. თბილისი

21 ოქტომბერი 2015 წ.

წინამდებარე მემორანდუმი წარმოადგენს ურთიერთთანამშრომლობის შესახებ შეთანხმებას, რომლის ხელმოწერი მხარეები არიან:

ერთი მხრივ, ააიპ „ვექსის სასწავლო ცენტრი“, ს/კ 412695294 (შემდგომში „ცენტრი“) წარმოდგენილი მისი დირექტორის გიორგი ბერიას სახით და

მეორე მხრივ, სსიპ სამცხე-ჯავახეთის სახელმწიფო უნივერსიტეტი (შემდგომში „უნივერსიტეტი“) ს/კ 424066977 წარმოდგენილი მისი რექტორის, პროფესორ მერაბ ბერიძის სახით,

1. შეთანხმების სფერო

მხარეები თანხმდებიან ერთობლივ კოორდინირებულ საქმიანობაზე უნივერსიტეტის სტუდენტების მაღალი კვალიფიკაციის პროფესიონალებად ჩამოყალიბების, მათი პიროვნული პოტენციალის რეალიზაციის, პრაქტიკული უნარ-ჩვევების განვითარებისა და თანამედროვე მოთხოვნების შესატყვისი კომპეტენციის მქონე პროფესიონალებად მომზადების მიზნით.

2. მხარეთა ერთობლივი მიზანი

2.1. მემორანდუმის მიზანია მხარეთა ინტერესების გათვალისწინებით ურთიერთთანამშრომლობის ხელშეწყობა და განვითარება.

2.2. ურთიერთთანამშრომლობის პრინციპები:

- ერთობლივი საქმიანობის წარმოების შესაძლებლობა;
- საერთო საქმიანობის საფუძველზე მიღწეული საერთო სარგებელი;
- ერთობლივი საქმიანობის ფარგლებში ინფორმაციის გაცვლა.

3. მხარეთა თანამშრომლობის ფორმები:

- ერთობლივი სემინარების, ტრენინგებისა და სამეცნიერო კონფერენციების ორგანიზება;
- ერთობლივი პროექტების განხორციელება;
- ინფორმაციისა და გამოცდილების ურთიერთგაზიარება;
- ერთობლივი საქმიანობის სხვა ფორმები, რომლებიც შეიძლება იყოს ურთიერთშეთანხმების საგანი.

4. ერთობლივი საქმიანობის კოორდინაცია:

მემორანდუმში მონაწილე თითოეული მხარის მიერ გამოყოფილი იქნება კონკრეტული პიროვნება ერთობლივი საქმიანობის საკოორდინაციოდ. მხარეები თანხმდებიან პერიოდული შეხვედრების აუცილებლობაზე ზემოაღნიშნული ერთობლივი ინიციატივების ხელშეწყობისთვის.

5. დაფინანსება:

- წინამდებარე მემორანდუმის ფარგლებში ერთობლივი საქმიანობა დაიგეგმება და განხორციელდება თითოეული მონაწილე მხარის ინტერესებისა და ადამიანური, მატერიალურ-ტექნიკური და ფინანსური რესურსების გათვალისწინებით.
- წინამდებარე მემორანდუმის ფარგლებში ერთობლივი საქმიანობის ფინანსური უზრუნველყოფა ყოველ კონკრეტულ შემთხვევაში განისაზღვრება ყველა მონაწილე მხარის ინტერესებისა და ფუნქციების გათვალისწინებით.

6. სხვა პირობები

- 6.1. მხარეები აცნობიერებენ, რომ აღნიშნული თანამშრომლობა ხორციელდება მხარეთა ორმხრივი ინტერესების გათვალისწინებით და ხელს უწყობს კვალიფიციური პროფესიონალების ჩამოყალიბებას.
- 6.2. მხარეთა ინტეგრაცია ეფუძნება იმ გარემოებას, რომ მათ გააჩნიათ ასეთი ურთიერთთანამშრომლობისთვის ყველა აუცილებელი წინაპირობა: საინფორმაციო-საკონსულტაციო ხელშეწყობა, კვლევითი და მატერიალურ-ტექნიკური ბაზა, თანამშრომელთა კვალიფიკაციის ამაღლებისა და გადამზადების პროგრამების მომზადებისა და განხორციელების გამოცდილება და ა.შ.

- 6.3. მხარეები გამოიყენებენ მათ ხელთ არსებულ ყველა საშუალებასა და შესაძლებლობას, რაც ხელს შეუწყობს ერთობლივი პროექტების განხორციელებას.
- 6.4. წინამდებარე მემორანდუმი გამოხატავს მხარეთა სურვილს ითანამშრომლონ ამ მემორანდუმით გათვალისწინებულ სფეროში, შესაბამისად წინამდებარე დოკუმენტი მხარეთათვის შესასრულებლად სავალდებულო პირობებს ან/და რაიმე სახის ინვესტიციის განხორციელებას (მათ შორის ფინანსურს) არ ითვალისწინებს. ამასთან, მხარეები თანხმდებიან, რომ ყოველ ცალკეულ პროექტთან დაკავშირებით გაფორმდება კონკრეტული ხელშეკრულება.
- 6.5. მხარეები ადასტურებენ, რომ მემორანდუმის ხელმოწერით არ ქმნიან ამხანაგობას, იურიდიულ პირს ან მის მსგავს წარმონაქმნს და არ ეწევიან ერთობლივ საქმიანობას.
- 6.6. წინამდებარე მემორანდუმი ძალაში შედის მისი ხელმოწერის დღიდან და მოქმედებს ხუთი წლის ვადით.
- 6.7. თითოეულ მხარეს ნებისმიერ დროს აქვს შესაძლებლობა 1 თვით ადრე წერილობით აცნობოს მეორე მხარეს მემორანდუმის შეწყვეტის შესახებ. ამ მემორანდუმის შეწყვეტის შემდეგ მხარეებმა უნდა განახორციელონ ყველა აუცილებელი ღონისძიება მემორანდუმის ფარგლებში უკვე დაწყებული პროექტების დასასრულებლად.
- 6.8. მემორანდუმი შედგენილია 2 თანაბარი იურიდიული ძალის მქონე ეგზემპლარად ქართულ ენაზე თითო ეგზემპლარი თითო მხარისათვის.

„ევექსის სასწავლო ცენტრი“



გიორგი ბერია
დირექტორი



„უნივერსიტეტი“



მერაბ ბერიძე
რექტორი, პროფესორი

